

Jonko Sokome Kapusayó Mu Nakayáñoní

Iñondutu Unipareko Ñuno Uró

Mande Kembé

Komo suki uni kato sokome ña **Grik** mandewore nakayáñaró, quko enejo owí kama nekaró. Itaka iño-iño uni qambu qundo ñande ye iñoyotengo, ko Sepeti koro nañuní ñu, **asáñowí uni** Jon, sokome ña nakayáñaró. Sokome kumi ñuya nakayáñaró, asa *1 Jon*, *2 Jon* ko Miti Mande sokome qu ka nakayáñaró. Sokome soso ñu, mande koro murí muko kanata na. Uni *3 Jon* nakayáñaró qundo owí kama nekaró, quko enejomboro ñande yaró, “huru-huru koro tapá uni,” yaró. (*3 Jon 1* weyo qembe.) Iñundiro nore ñande ye iñoyoteto, ko enendo **Anutu koro huru-huru** ñuno owé parámi raró.

Do naru horé nakayáñaró ñuya kama iñoyoteto. Itaka iño-iño uni kumimbo ñande yeyotengo, Jonko naru kanatako *2 Jon* koya *3 Jon* nakayáñaró. Dokoro sokome irisa-irisa quro muríyari ñunde nañge. Asa itaka iño-iño uni kumimbo ñande ye iñoyotengo, ko Jonko kumima naru 66AD ñuno peka sokome ña nakayáñaró, quko qambu ñande yetengo, 85AD koya 100AD keweroko ñuno nakayáñaró, peka. (Asa “66AD” murí muko ñandiro, nimímbo Yesu pisiyaró, yate kumima naru 66 ñunde rotaró. Nore kumima naru 2,000 ñunde rotoro yate itaka yoteto.)

Komo suki **Anutu koro huru-huru** ñuro tapá unindo ñande yañgurí, ko Jonko sokome ña Efesus yendémo nakayáñoní enejo topé ka, owí muko Gaius, ñuno uró. Gaius ñuko uni parámi ka Esia mira parámimo ñuno yora.

¹No huru-huru koro tapá uni ka, nondo sokome ña nakayáñoro rewe Gaius, neneño topono hamó, keno uyaró. Nondo newonde hamó kunoyoteno.

²Topone hamó, nondo Anutuko hariri teteno, o soso keno tunoqeweya ñu soso meté teweya, ko keño koweke ñuya meté hamó yoní. No iñoteno,

kejo yuqake ŋu meté horé yote. ³Komo topo kumimbo nono mahero ŋande nimiranŋurí, keko uni hamó nanŋe ko naru rokóŋoro mande hamó ŋu howeyote. Asa ko mande ŋu iŋoro niŋgu-niŋgu parámi tanowó. ⁴Nondo mande piŋa ŋundiro iŋoyoteno quno, asa simónembo mande hamó ŋu howeyotenŋo, quno ŋuno niŋgu-niŋgu parámi horé teteno. O meyowomboko niŋgu-niŋgu ŋunde qu kama riní tunoqeyote.

⁵Topone hamó, keto murí meté howero Anutu koro kho uni kumi ke komo kama iŋo yunaró ŋu samaka yereró. ⁶Uni ŋundo Anutu koro unipare ŋano qu keto naru rokóŋo newonde meté yunoyote ŋuro yimiranŋurí. Enendo ŋuno pitu ko toŋewero, ko keto meté kanŋuya Anutu koro mepé samaka yiriŋo, o te-qoyembo ŋuya se toŋewanŋo. ⁷Enendo Yesu koro khoyó tewero ŋuro uyarenŋurí. Ŋunde tero kape unipareto^a o te-qoyembo kama yunowanŋo. ⁸Nore Anutu koro uni ŋunde qu meté o te-qoyembo yunowato. Ŋunde tero nore uni ŋuya kho kopo tero Anutu koro mande hamó rato kondéreweya.

⁹Komo sokome ka nakayáŋoro rewe Anutu koro unipareko ŋuno uyaró. Quko Dioterepes ŋundoko uniparetoro uni kembé yowero ye iŋote, ŋuko mandene kama iŋaró. ¹⁰Ŋunde ŋuro no yeno maheroqo, nondo ene murí ŋu yesowowano, asa enendo mande kate-kate noreya yero mande piyimi yeyote. Ŋu nanŋe kama teyote. Kini. Enendo topo-toponani ŋu yorero yayómo kama oyote. Ko uni kato topo-toponani ŋu yorero yayemo oyíŋo, enendo kusi yerero Anutu koro huru-huru^b koŋgo yohoweyote.

¹¹Topone hamó, keto murí piyimi ŋu ma howewero. Kini, ke murí meté ŋu howe qembe. Uni ka murí meté ŋu howeyote, ŋuko Anutu koro uni. Uni ka murí piyimi howeyote, ŋuko Anutu kama iŋo inoyote. ¹²Uni soso Demitrius ŋuro murí meté ŋu yesowoyotenŋo. Anutu koro mande hamó ŋundo uni ŋuro murí ŋu tunomo yete. Nondo ŋuya eneŋo murí ŋu tunomo yeteno, ko ke iŋote ŋu, neneŋo mandene ŋuko hamó.

¹³Nondo mande parámi yimirowero quro iŋoyoteno. Quko sokome kanoko nakayáŋowero ŋuro piyimiŋoteno. ¹⁴Naru piru kini no keno mahero kiyoro keya koporo nore mande tewaro.

¹⁵Kejo newondeke ime yoní. Kejo topo-topokepo yunŋuna keretenŋo. Neneŋo topo-topone owéye neko yunŋuna yere qembe.

^a ⁷ “kape unipare ” ŋuko Israel koro Anutuye ŋu kama iŋo howeyotenŋo. ^b ¹⁰ “Anutu koro huru-huru ” ŋuko unipareto Yesu iŋondutuworu huruwoyotenŋo qu.